

**სსიპ „იუსტიციის სახლის“ აღმასრულებელი დირექტორის 2020 წლის 09 იანვრის №9/ს ბრძანებით
შექმნილი სატენდერო კომისიის სხდომის
ოქმი №1**

ხელმოწერის ნიმუშის ასაღები მოწყობილობის სახელმწიფო შესყიდვის ელექტრონული ტენდერი

ქ. თბილისი

31 აგვისტო 2021 წელი

სატენდერო კომისიის თავმჯდომარე:

გვანცა სისოშვილი - სსიპ „იუსტიციის სახლის“ შესყიდვების სამსახურის უფროსის მ.შ, სატენდერო კომისიის თავმჯდომარის მ.შ.

კომისიის წევრები:

მარიამ ღონღაძე - სსიპ „იუსტიციის სახლის“ საფინანსო-საბიუჯეტო სამსახურის უფროსის მ.შ

ქრისტინე გოლეთიანი - სსიპ „იუსტიციის სახლის“ სამოგადოებრივი ცენტრების კოორდინაციის სამსახურის უფროსის მ.შ

სხდომას არ ესწრება ოთარ ჩახუნაშვილი - სსიპ „იუსტიციის სახლის“ აღმასრულებელი დირექტორი და ნუგზარ ნადარეიშვილი - სსიპ „იუსტიციის სახლის“ ინფრასტრუქტურის განვითარებისა და ლოჯისტიკის სამსახურის უფროსის მ.შ

სატენდერო კომისიის აპარატის წევრი:

გვანცა შაშვიაშვილი - სსიპ „იუსტიციის სახლის“ შესყიდვების სამსახურის მრჩეველი

დღის წესრიგი:

სსიპ „იუსტიციის სახლისთვის“ 2021 წლის სახელმწიფო ბიუჯეტიდან გამოყოფილი ასიგნებების ფარგლებში, საქართველოს მთავრობის 2021 წლის 27 აგვისტოს #1496 განკარგულების საფუძველზე, ხელმოწერის ნიმუშის ასაღები მოწყობილობის სახელმწიფო შესყიდვის (CPV 30237480 - **მონაცემთა შესაყვანი მოწყობილობები**) მიზნით გამოსაცხადებელი ელექტრონული ტენდერის აუქციონის გარეშე (NAT) სატენდერო დოკუმენტაციის და სატენდერო განცხადების პროექტის განხილვა-დამტკიცება და კომისიაში დამხმარე სპეციალისტ(ებ)ის მოწვევის საკითხის განხილვა.

მსჯელობა:

- სატენდერო კომისიის წევრებმა განიხილეს ტექნიკური დავალების შესაბამისად სისტემაში ელექტრონულად შევსებული სატენდერო დოკუმენტაციის პროექტი და სატენდერო განცხადება;
- ბაზრის კვლევის შედეგების გათვალისწინებით, მიზანშეწონილად იქნა მიჩნეული, შესყიდვის სავარაუდო ღირებულება განისაზღვროს **98 020 (ოთხმოცდათვრამეტი ათას ოცი) ლარის** ოდენობით დღგ-ს ჩათვლით;
- სატენდერო კომისიის წევრების მოსაზრებით, მიზანშეწონილია, ზემოაღნიშნულ ტენდერში აუქციონის გარეშე (NAT) ყველაზე დაბალი ფასის მქონე პრეტენდენტის შემთავაზება, ტენდერისთვის სტატუსის - „შერჩევა-შეფასება“ მინიჭებიდან არაუგვიანეს 3 სამუშაო დღისა, განიხილოს სსიპ „იუსტიციის სახლის“ ინფრასტრუქტურის განვითარებისა და ლოჯისტიკის სამსახურის სპეციალისტ(ებ)მა და წარმოადგინოს შესაბამისი წერილობითი დასკვნა სატენდერო კომისიაზე განსახილველად.

კენჭისყრა:

სატენდერო კომისიის წევრების მიერ ერთხმად მოწონებული იქნა სატენდერო დოკუმენტაციის და სატენდერო განცხადების პროექტი.

დაადგინეს:

1. სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის მე-15 მუხლის მე-2 პუნქტის შესაბამისად დამტკიცდეს ელექტრონული ტენდერის გამოსაცხადების შესახებ სატენდერო განცხადება და სატენდერო დოკუმენტაცია თანდართული სახით;
2. სახელმწიფო შესყიდვების შესახებ საქართველოს კანონის მე-11 მუხლის მე-5 პუნქტის შესაბამისად, სატენდერო კომისიაში ექსპერტ(ებ)ად სათათბირო ხმის უფლებით მოწვეულ იქნეს სსიპ „იუსტიციის სახლის“ ინფრასტრუქტურის განვითარებისა და ლოჯისტიკის სამსახურის სპეციალისტ(ებ)ი შესაბამისი სპეციალისტ(ებ)ი;
3. დაევალოს სატენდერო კომისიის აპარატს, არაუგვიანეს 3 (სამი) სამუშაო დღის ვადაში უზრუნველყოს სატენდერო განცხადების და სატენდერო დოკუმენტაციის გამოქვეყნება სახელმწიფო შესყიდვების ერთიან ელექტრონულ სისტემაში.

წინამდებარე ოქმი ხელმოწერილია დამსწრე კომისიის წევრებისა და აპარატის წევრების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-4 პუნქტის შესაბამისად, კვალიფიციური ელექტრონული ხელმოწერით.